



MARAM

Ramhlun North YMA Chanchinbu

"YMA thuvawn: YMA chu tanpui ngaite tanpuitu"



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 13

Ramhlun North: Ni 28 March, 2026

MARYMA INTUAITHAR

Ni 31.3.2026 (Thawhlehi) hian NextComm Resort, Luangmual, IGC bul ah intuaitharna neih tur a ni a, Maryma enkawltu zawng zawng te kal vek turin kan in ngen a ni. RSC Field ah zing dar 10:00 ah kim tur a ni.

BRANCH THU THAR

■ Ramhlun North Local Council chuan thlan laihna atan ₹ 10,000/- leh tlangauna siam nan ₹ 20,000/- Ramhlun North Branch YMA hnenah an hlan. YMA chuan lawmthu a sawi takzet zet a ni.

■ Section tinah YMA member zawn mek a ni a, tun thla a zawn zawh tur a tih a nih angin Section hruaitute pawhin a hun taka thehlut thei tura tan la zel turin kan in ngen a ni.

SECTION THU THAR

■ **Taitesena Section:** 24.3.2026 (Thawhlehi) zan khan thlan laih hnatlang neih a ni a, mi 78 thawkchhuak in thlan pahnih laih a ni. Member thawkchhuak zawng zawng chungah hruaituten lawmthu an sawi a ni.

■ **Vanapa Section:** Ni 31.3.2026 (Thawhlehi) hian Landmark Recreation Centre, Luangmual IGC bulah member pum huap intuaitharna an nei dawn a, member-te a tam thei ang ber kal turin an in ngen a ni.

SUB-COMMITTEE THU

■ **Library sub-committee:** Nl. Lalnunpuii, T-Sec hnen atangin thilpek an dawng a, a chungah lawmthu an sawi.

Library duty turte:

1. Lalrinawma, N-Sec.
2. Vanlalhruii, N-Sec.
3. Lalrinsiami, N-Sec.
4. Lalbiakhlui, K-Sec.
5. Nancy Zonunthari, K-Sec.
6. Lalnunfeli, K-Sec.

VENGCHHUNG THENFAI HNATLANG NEIH A NI (Mi 396 vel thawkchhuak)

Ramhlun North, the 28th March, 2026: UD & PA, Smart City, AMC leh CYMA tangkawpin an buatsaih hnatlangpui 2026 bawhzui nan tukin March ni 28, Inrinni zing khan Branch YMA hmalaknain veng chhung thenfai hnatlang neih a ni. He hnatlang hi zing dar 7:00 atanga tan a ni a, veng mipuite mi 396 vel kan thawk chhuak thei. Hnatlang hi Section hrang hrangah sem niin, Section tinte'n mahni huam chung theuh an thian fai a. Section OB-te'n hnatlang a thawkchhuakte lo buaipui leh hna kal dan tur ruahmanna hrang hrang an siam a, luikawr tui luanna dal thei bawlhlo te, kawngpuia hnim to leh hnawmhate uluk taka thenfai a ni.

Hei hian fur ruahmanna harsatna kan tawh loh nana hnatlang pawimawh tak a ni.

He hnatlangah hian YMA member-te bakah, veng chhung naupang leh tleirawl thahnem tak an thawkchhuak bawka, hnatlang pawh an ti phuisui hle. Thlanmual hlui hnim to leh hnawmhawkte tihfai a ni bawka. Thlanmual hlui hi enkawl reng a harsat avangin hnim sam leh thenfai hna hi a hautak thin hle a. Tin, helai hmung hmang te leh tlawh thinte pawhin kan hnawmhawkte pawh darh emaw kalsan mai lo a fai taka kan enkawl tlan a pawimawh hle.

Veng chhung mipuite tanrualna avangin hnatlang hi tuang taka zawh a ni a, hnatlang senso atan hian mi thahnem ngaiten ₹ 5350/- an thawh bawka ni. Hnatlanga thawkchhuak zawng zawng te chungah Ramhlun North Branch YMA chuan lawmthu a sawi a. Tin, bawlhhlawh lakkhawm te, Local Council hnuai PPP Mode chuan min pah sak bawka, an chungah Branch chuan lawmthu a sawi bawka ni.



RAMHLUN NORTH CRICKET ACADEMY

Cricket Association of Mizoram (CAM) buatsaihin March ni 5, 2026 atang khan Age Category hrang hrangah Mizoram huapin - Kalki Under 12 Open, Under 14 Open leh Under 16 boys Tournament khelh niin hetah hian Ramhlun North Cricket Club (RNCC) enkawl Ramhlun North Cricket Academy (RNCA) pawh age category 3-ah an inlan thei a. Ramhlun North Cricket Academy hi 2022 a din niin zirlai mi 28 an awm mek a, experience coach tha tak hnuaihar kar 1 ah class vawi 3 neih thin a ni. Admission hi vengchhung naupang tan chauh a hawn a ni. An hmung hma te phal takin Ramhlun Sporting Club (RSC) lamin an hmantir a, naupang te'n hma an sawn leh zual theih nan bialtu MLA Dr. Vanlalhlana Minister chuan a MLA fund atangin Batting Cage siam nan ₹ 1,00,000/- a pe a, club hruaituten a chungah lawmthu an sawi mawlh mawlh bawka. Under 12 Open bik hi Chaltlang Ground-ah khelh niin Semi Final an thleng a, Benjamin Vanlalpeka s/o Pi Lalbiakzuali (C-Sec.) chuan tournament pumpuia run 161 siamin Best Batsman (cash + trophy) a thlan a ni. Under 14 Open pawh khelh mek zel a ni a, chutih rualin Vanlalpekhluia s/o Pu MS Dawngliana (C.Sec) chuan tournament pumpuia run 99 siamin Best Batsman (cash + trophy) lawmman a dawng ve leh bawka. Under 16 boys hi Lawipu leh Sihmui lamah khelh niin, hetah pawh tha taka khelin 1 win & 1 loss niin, round sang zawk kan lut ta lo hlauh a, Mizoram huap pawh a Academy langsar tak tak te nen kan han inel pha ve tan hi hmasawna tak meuh meuh a ni e.

Kan veng naupang te talent neih that zia a lang zel a, kum reilo te chungin kan zirlai naupang te atang pawhin age level a Mizoram aiawh pha te an nei ve ta. Hma kan sawn zia hria in CAM hnuai naupang chher tlak zualte scout thin, Mizoram Cricket Academy (MCA) lam pawhin tunah hian zirlai naupang 3 lai chu FREE coaching an pe mek bawka ni. Eizawna tling Cricket hi vengchhung naupang tuite tan hruaitute biak theih reng an ni. Admission fee a awmla a, monthly fee thla tin Rs 200/- a ni thung.

RNCA Chairman: John L Ralte Ph: 8415852272 Secretary K. Vanlalrova Ph: 9862300713



FAINA KAWNGAH HIAN

Mimal faina in chhungkaw faina a thlen thei a, chhungkaw faina in vêng khawtlang faina a thlen thei a, khawtlang faina in ram chung faina a thlen thei.

Kan khawtlang a lo thianghlim a, a lo fai a, khaw nuam leh veng nuama siam thei tura mawphurtu pawimawh hmasa bertu a chhunga cheng mipuite hi kan ni. Faina hi mitin ngaih pawimawh a ni si, a taka kan zawm theih der si loh a nih avang hian inzirtir nasat kan ngai hle. Faina hlen chhuah kawngah mawphurtu bik 'pawl' awm bawk thin mahse, a mawphurtu tak tak hi chu mitinte hi kan ni, tih kan hriat a pawimawh.

Faina hian kan zahawmna a keng tel a, hriselna hnar a nih mai bakah keimahni min tichak tu a ni. Faina hi hmasawmna chi khat a nih mai bakah, hnam fng zia a ni a, faina ngaihthah ram hmasawn an awm ngai hek lo. He faina kawngah hian vantlang emaw sawrkar hmalakna aiin, mahni mimal hmalakna in bul tan hmasa ila, kawngro a sut phah zawkin a rinawm.

Faina kawnga ramri kham chin kan neih thin avang hian midang mawphurhna ah kan dah fova, hei hian hmalakna tam tak a ti thuanawp fo.

In leh a vel fai tak ni mahse; mipui vei vak an awm reng avangin bawlhhlawh paihna kan siam tam a ngai. A mi chengte paw'n kan bawlhhlawh kente a paihna tur dik tak, bawhlawh bawmah paih ila. Kawng dungah emaw kawng sirah pawh nise, bawhlawh kan hmuh ang angte a paihna hmun tur bawhlawh bawmah paih zel ila. Kan bawhlawh paihna hmun azirin kan mizia a tilang tih kan hriat a pawimawh. Tumah a mawl zawng leh khawtlang tibawhlawh zawnga khawsa lovin a vawng faitu kan nih a pawimawh.

Eng pawh nise, faina kawnga mawphurtu chu mitin te hi kan ni tih hria ila. A thu chauh ni lovin, a takin thil kan tih a ngai a, midangte tih atana dah mai lovin, faina kawngah a bul tantu nih tum ila. Hnung zuitu tha tak nih tum ringawt lovin, a hma hruaitu nih kan tum tur a ni.



KHAWTHLIR

CHAWNGVUNGI THLAN

Chawngvungi hi a pasal Sawngkhara'n a lung a phunna chu Farkawn ramah a ni a. Aizawl atanga km 278 a hla a ni. Chawngvungi thlan lung hmu tur chuan Aizawl atangin khawchhak lam panin, District khawpui Champhai km 192 kan thlen a ngai. Champhai atang chuan Myanmar ram hrutin chhim lam panin kal zel a ngai a, Champhai atanga km 86 ah Farkawn khua a awm a, Farkawn atanga chhim thlang lam km 4 vela hla, Tlawva lui kamah Chawngvungi lung chu hmuh theih a ni.

Chawngvungi hi a pian leh murna chu Tiau chhak, tuna Myanmar ram Zawngte khuaah a ni. Hetih lai hian Zawngte chu in 700 an ni a. An khuaah chuan Sawngkhara a awm a, Sawngkhara nen hian naupan tet atanga inkawm thin an ni. Nakinah chuan Sawngkhara leh Chawngvungi te chhung chu an thlang tla ta a. Bawlte hmun (tuna Farkawn) ah hian an awm ta a ni. Nula/ tlangval an lo nih hnu chuan, Chawngi chu an khuaah chuan nula hmeltha-a sawi a ni ta a, Sawngkhara erawh chu a hmelchhiat hi a lar ve na a ni thung a ni. Chawngi te chhung chuan Sawngkhara te chu hausa mahse neih chiaah an ngam lo, chu chuan Sawngkhara rilru a tina em em a, Chawngi neih theih dan tur mawlh chu a ngaihtuah ta a. Vawi khat chu Zawlaidi, Choak thla rang ek an tih hi a hmu ta hlauh mai a. Chu Zawlaidi chu Chawngi taksaah chuan a tat ta a. Chumi hnu chuan Chawngi chuan a ngai ta em em mai a, Sawngkhara hmu lo chuan a khawsa thei lo a ni ta ber mai. Inneih an tum leh Chawngi pate chuan an remti thei si lo.

Hetianga khaw khata an awm reng chuan an inkawm zing tual tual anga, Chawngi pate chuan neih loh theih loh hun a awm ang tih an hlauva, Chawngi chu Pangzawlah an pempui ta a. Chutah, Sawngkhara chu a awm hlei thei lova, Pangzawla pem ve mai an tum ta a. Mahse, Pangzawla khaw khata va awm leh chu a fel dawnin an hre lova, an khaw thenawm Chawngtlengah an pem ta zawk a. Tichuan, Sawngkhara chuan Chawngtleng atang chuan Pangzawla Chawngvungi chu a va rim ta thin a ni.

Hun a lo kal zel a, a tawpah chuan phal lo teh mahse Chawngi chu Sawngkhara chuan a nei dawn ta nge nge a. A man atan Chawngi nu chuan 'Dar Huai' kher a ngen ta a. An palaite chu thi leh dar, sial pawh a tam a, Dar Huai kher hi chu pi pute duh loh a ni a,

nun a tawi duh ngai asin, tiin rem an ti lo viau a, mahse Chawngi nu chuan Dar Huai an phal loh chuan innei lo mai se, a tih avangin Dar Huai chu an hum zo ta lova, man atan an pe ta a ni.

Tichuan, Chawngi leh Sawngkhara chu an innei ta a, fa pakhat an nei hman tihin vanduaithlak takin Chawngi chu a thi ta hlauh mai a. Chawngi lumen tur chuan a nute pawh chu Pangzawl atang chuan Chawngtlengah chuan an han kal ve a. Chawngi lu an men zan chuan Sawngkhara chu a mut chhuak a lo chhing sek a. Chutih lai chuan Chawngi nu chuan Chawngi ruang chu a pawm thut a, a chhuahpui ta daih mai a. Sawngkhara a lo harh chuan a um ve ta nghal a. Chawngi nute chuan Chawngi ruang chu luiah an bual a, a tin kawm an tih tlak chu an hre lova, an kalsan leh ta a. Sawngkhara'h Chawngi an bualnaah chuan Chawngi tin kawm ngei chu a chhar ta a. A ruang chu a umpa dawn tawh lova a hriat avangin a tin kawm chu Chawngi ruangah a ngai a, a hawnpui ve ta a, a ruang ang chiahin kuangah a dah a, a ur tluk tluk mai a ni.

Sawngkhara hi pasaltha, sa kap thei tak a ni a. Chawngi damlai pawh khan Lentlangah an ramchhuak thin a. Hetia lusun khawhara a awm takah chuan a thianten hruai harh an tum a, an khaw hlui Bawlte (Farkawn) ah kalin, Lentlangah te an ram vak a. Sawngkhara chu Chawngi nena Chhawkhlei par an lawhna lai vel a nih avangin a lung a leng hle a, Chawngi tin kawm pawh kha a kalna apiangah a ak zel thin a ni.

Lentlang atanga an haw leh hnu chuan Bawlte khuaah chuan an cham reng a. Zawlaidi a chharna ramahte kalin, Tlawva lui an thleng a, lui kamah chuan an chawl ta a. Chumi hmunah chuan Sawngkhara chuan Chawngi ruang ang chiaha a ngaih, a tin kawm chu a phum ta a, chutah chuan lung an phun bawk a. Lung pangah chuan thil lemte an ziak nual bawk a ni.

Hei hi "Chawngvungi Lung" ti-a hriat a ni ta a. Farkawn ram, tuna Khankawn nen an ramri lui Tlawva kamah a la awm reng a ni.

ADMISSION OPEN (3-2)

Zirlai zirna kawnga chaklo, zirlai tlemte duhtawka zirtirtu ten a an hrualna Northern Academy chuan High school leh Higher Secondary atan Admission a hawng mek e.

2024-2025 HLSC 100% pass.

**Northern Academy
8014163196**

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, Henry VL Nghilhlova Zote
Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma
News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte
Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Pu Lalrochama, Branch Vice President, YMA Sub Hqrs. Lunglei Inkhawmpui Tlabung a neih hman pui a kal chu a lo haw leh ta.
- Dr Joseph Lalhmingliana, Branch Asst. Secy, Leithum haw runpui hmanga zin chu a lo haw leh ta e.
- Pu Tlangtimawia Zote, Ex-President V-Sec. chu Official Duty-in Cochin Kerela-ah a zin mek.
- Pu K. Lalruala te chhungkua, Pu Lalthanfala Khiangte te chhungkua leh Rev Vanlalrova Khiangte te chhungkua, N-Sec. Lungphun hmanga Khawzawl a zin chu an lo haw leh ta.
- Pi Hrangmani, Pu Laldinpuia leh Pu H. Vanlalhuma, C-Sec. te chu Leithum khaw haw runpui hmangin Leithum ah an zin.
- Pu Lalrothara, S-Sec. te nupa chu an hnathawhna hmun Kolkata atangin chawlh hmangin an lo haw.
- Pu Lalhminghluna Fanai, T-Sec. te chhungkua chawlh hmanga Kolkata zin chu an lo haw leh ta.
- Pu Jeremiah L. Fanai, T-Sec. chu hna thilin Delhi ah a zin.
- Pu Zodinsanga Parte, K-Sec. te chhungkua an fanu entir a Vellore lama kal chu an lo haw leh ta.
- Pu Lalliantluanga Hauhnar leh a fanu Lalropuii Hauhnar, C-Sec. Vellore a inentir chu an lo haw leh ta e.
- Ni. Lalbiakengi, N-Sec. chu a kawng chawr zai turin Delhi-ah a kal.
- Pu R. Lalthianghluma te chhungkua, T-Sec. chhiattawhna avangin Darlawn a zin chu an lo haw leh ta.
- Rev. Vanlalnghaka Ralte, N-Sec. chu in check-up turin Kolkata-ah an kal.
- Pu Lalhnehliana te chhungkua, K-Sec. chu a u boral avangin Darlawn ah an zin.
- Pi M. Vanramnghaki, T-Sec. chu in check-up turin Kolkata-ah a kal.
- Ni C. Lalnunpuii d/o C. Lalrosanga (Fam), K-Sec. chawlh hmanga lo haw chu a hnathawhna hmun Ahmedabad-ah a kal leh ta.
- Pu John Lalrindika Ralte, V-Sec. te chhungkua, Kolkata-a in check-up a kal chu an lo haw leh ta.
- Pu Lalfamkima, C-Sec. Vellore-a in check-up a kal chu a lo haw leh ta.
- Pu Lalrinsanga te pafa, K-Sec. inneih hmanga Assam-a zin chu an lo haw leh ta.
- Pu K. Zasanga, K-Sec. chu Kolkata-ah in check-up turin an kal.
- Ni. Lalfelkimi, V-Sec. chu hna thilah khawchhak lamah a zin mek.
- Ni. Lalnunpuii Hmar, T-Sec. chu hna thil avangin Delhi-ah a zin.
- Dr. Rohlupuii Ralte te chhungkua, C-Sec. Guwahati-a zin chu an lo haw leh ta.
- Pu Lalnunmawia, C-Sec. te nupa chu an fapa inentir hruaiin Delhi-ah an zin.

LEI PIAH LAMAH

S. Thansangi, K-43
w/o Ngurthanzuala Sailo (Fam), N-Sec. chu 21.3.2026 dar 10:15 AM khan boralin lumen a ni a, a tuk ni 22.3.2026 chhun dar 12:00 ah Ramhlun North Thlanmual, Zemabawk ah vuiliam a ni.
Lusun khawhar chhungte thlamuantu Pathianin vengin awmpui zel che u rawh se.



DAMLO

- Dr. C. Lalzarliana, N-Sec. chu BP sang leh lu hai avangin Synod Hospital, Durtlang ah admit a ni.
- MS Dawngkima s/o VL Dinpuia, N-Sec. chu LRM Hospital-ah enkawl mek a ni.
- Pu VL Malsawma s/o Lalbiakthanga, T-Sec. chu zunthlum avangin Ebenezer Hospital-ah enkawl mek a ni.
- Pi C. Ronguri, N-Sec. chu Aizawl Hospital-ah a thyroid zai a ni.
- Pu K. Lalhnema, S-Sec. chu Trinity Hospital-ah enkawl mek a ni.
- Matthew Lalruatdika s/o Rosangliani, C-Sec. LRM Hospital-a awm chu a lo chhuak leh ta.
- Pu Lalrintluanga s/o Vanlalkima (Fam), V-Sec. natna hrang hrang avanga Agape Hospital-a awm chu in lamah in enkawl chhunzawm turin a lo chhuak.
- Pu H. Lalfala. K-Sec. chu Ebenezer Hospital-ah enkawl mek a ni.
- Pu Lalhualhima, T-Sec. chu Synod Hospital, Durtlang ah natna hrang hrang avangin enkawl mek a ni.

PAWL DANG

■ **Civil Pensioner, Ramhlun North:** Civil Pensioner, Ramhlun North Branch chuan kum 2026-2028 chhunga hruaitu tur thlanna a hnuaiia hmun leh hun ruat ah hian an nei dawn a, member zawngzawng kal vek tur a ngen leh hriattir kan ni e.
A hmun: MHIP Committee Room
A hun: Ni 30.3.2026 (Thawhtanni) dar 11:00 AM

LAWMAWM

- Pu Mawithandinga leh Pi Lalrinpuii, S-Sec. te nupa chuan ni 19.3.2026 khan Civil Hospital-ah fapa an nei.
- Pu V. Lawmsangzuala leh Pi Liandingpuii, S-Sec. te nupa chuan ni 23.3.2026 khan Civil Hospital ah fapa an nei.
- Pu Samuel F. Lalremruata, N-Sec. c/m chuan Mizoram Inter District Senior Weightlifting Championship 2026 Kolasib-a neih zawh takah Bronze medal a la.
- Malsawmtluangi d/o R. Sangkhama (Fam), V-Sec. leh Dr C. Lalfakzuala te chu ni 26.3.2026 khan Sihphir Presbyterian Kohhran Biak In ah an innei.
- K. Laldinpuui d/o K. Lalbiakkima, S-Sec. leh Lalnunluanga te chu Armed Veng North Presbyterian Kohhran Biak In ah ni 27.3.2026 khan an innei.

THILDANG

- **Insawn:** Pu Lalneihhlua, BECM tanglai leh kan Branch OB hlui te chhungkua chu an mahni in Ramhlun South lamah an insawn pheii ta.
- **Ruang chhuak:** C. Zoliana, K-60 chu ni 22.3.2026 dar 5:30 AM khan Nazareth Hospital, Chaltlang ah a boral a, Pu K. Lalhrulaitluanga, K-Sec. ten a ruang hi la in damdawiin atangin an khua E. Phaileng panpui a ni.

LOCAL COUNCIL

- Vengchhung ah naupang lirthei khalh leh helmet khum lo hmuh tur kan awm leh thin, hetiang hmuh fuh an nih chuan dan anga hmalak zel a ni ang. Tin, ui chhuah leh vawk vulh kawngah midangte tana harsatna siam lo turin kan inhriattir thar leh a ni.

KOHRAN

- **Baptist Church, Ramhlun North:** March 23, 2026 (Thawhtanni) zan khan TKP Ramhlun North Unit te chuan Ruby Jubilee an lawm a. Ramhlun North huam chhunga Kohhran hrang hranga Thalal pawl hruaitute, Zaipawl hrang hrangte, leh Ramhlun North Kohhran atanga lo indang tawh Thalal pawl hruaituten an hmanpui. He hunah hian Kum 40 chhunga Hruaitu (OB) lo ni tawh te leh nilai mekte chawimawina hun an hmang a. Ruby Jubilee mei, Unit President hmaber Upa J.L. Thangluaia'n a det bawk a ni.

Tumkau Pathianni zingkarah Kristian Naupang Pawl bultumin Lal Isua chawimawina kawng zawh a ni ang.

- **Roman Catholic:** Holy week hi March 29 atanga April 5 thleng hman tur a ni a. March 29 hian Palm Sunday kawng zawh Kohhran angin Bawngkawng atangin neih a ni ang.

- **Salvation Army:** Ni 29.3.2026 (Pathianni) Thianghlumna Inkhawmah hian Captain Joseph Rozamliaana leh Captain Lalremtuangi, Commanding Officer thar lawmna inkhawm neih ani ang a, inkhawm banah Palm Sunday pualin Biak In thlang atangin Zangena Filling Station thleng kawngzawhna Corps pumhuapa neih a ni ang a, Mual Inkhawm neih chhunzawm a ni ang. Corps Band leh Timbrel ten item an nei ang a, Captain Joseph Rozamliaana, CO in Pathian thuchah a sawi ang. Captain Joseph Rozamliaana hi Superintendent, Enna In Kolasib atanga lo chho an ni.

BLOSSOM ATELIER PRE SCHOOL & DAY CARE

Naupang kum 2-5 inkar tana zirna in hmun him leh nuam. Play area changtlung tak awmna hmun ah, kum 2026 session atan ADMISSION a tih theih e. Pre School experience kum tam tak nei enkawlna hnuaiia in fate hmangaih leh duat takin, zirna tha nen kan lo enkawl sak ang che u.

School uniform T-Shirt a thlawn in an dawng bawk ang.

Learn, Play and Grow with us

Contact-7630079091 (3-2)

Location- Zarkawt Greyhound Building



ARTICLE

LAW OF NATURE HI NEGATIVE

CAPABILITY HMANGA VUAK THIAH THEIH A NI

- Rohmingthanga Ralte
Assistant Professor, HBC.

Kan tawng tu huat thu ni suh. Thu leh hla hi a zira zir ve lote chuan an thlir fuh lo fo mai a. Thu leh hlaa dan lo awm ve te leh literary theory lo awm tawh te an hriat ve thin loh avangin, thu leh hla teh nan hian khuarel dan te, tawng dik leh dik lo fet taka tehna dan te leh Science leh Mathematics dan te thlengin bukna kan lo khai ve thin avangin, kan thu leh hla tam tak chuan chung chu a paltlang zo lo fo. Mi thenkhat phei chuan ngaihtuahna zim tak nen mihring takin kan lo la buk ve thin bawk a.

Mahse, han ngaihtuah chian chuan thu leh hla buk nana hmanrua kan lo hman thin hi a dikhlel ve thin tho avangin, kan teh chhuah thin loh te pawh chu an tling lo tak tak tihna a ni bik lo a tih ve theih tho si. Subject hrang daih atanga tehna lo siam thin hi chu thil nih dan tur a ni chiah lo deuh ni chuan a lang. Mathematics te hi Literature atangin lo buk ve thin ta ila, kan buk chhuak dik lo fo dawn tihna a ni.

English hla phuah thiam hmingthang John Keats khan, 'Negative Capability' chu tihian a lo sawi fiah tawh a:

"Thu leh hlaah chuan, thil mumal lo (uncertainty), thil mak (mystery), leh rinhlelhwam (doubt) te hi a dikna chiah (logical answer) zawn chhuah vat vat tuma lo phet buai chiah ai chuan lungawi takin lo pawm mai ila, a hahdamthlak mai e. Hla phuah mi chuan an hriat chian loh thil pawh an pawm theiin, an hriat vek loh pawh an pawm mai thin," a ti. He theory thuk phum ni bawk chu: (Thu leh hla hi hringnun darthlang an ti thin tih lo hre hmasa ila)

1. Thil Chiang lo pawm (Embracing Ambiguity)

He hringnuna thil mak leh Chiang lo te hi, ngaihtuahna ni lo tharum hmanga a dikna zawn chiah ai chuan a mawina leh duhawmna kha lo pawm zawk mai tur.

2. Engkim hian sawi fiah a mamawh lem lo (Rejection of Rationalization)

He hringnuna thil thleng thin engkim mai hi, kan chhia leh tha hriatna hmanga sawi fiahna vek a ngai lem lo. Engkim mai sawi fiah fel fai tum lutuk hian kan ngaihtuahna, suangtuahna leh thil ngaihtuah chhuah dan thar kan neih tur khan, chin a neihtir theiin, min tihtawpsak thei a ni.

3. Rilru zau neih a ngai (Open-Mindedness)

Kan hriat fiah loh leh thil hriat than loh thilah te hian kan rilru ngaihtuahna leh suangtuahna te hi zau taka kan neih a ngai.

4. Mahni Inhlolhna (Loss of Self)

Hla phuahtu chuan thil eng emawa a suangtuahna a sen tak tak chuan mahni nihna inhlolin a suangtuahna khawvelah chuan a cheng thin.

Kan thu leh hla thiam te khan khuarel dan kalhin hla thu te an lo chhew tawh thin a. Chung thil kan lo hmuh tum chuan mi tam tak chuan, kha hla mawina ai khan a dik loh dan sawi chu kan chaw tui ber emaw tih tur a lo ni ta thin. Dan khawng deuh hmangin, "A theih loh hrim hrim, he hla phuahtu hian a hre fuh lo a ni . . . chuti khati kan lo ti mai thin a . . ." a chung negative capability kan thil ang khi kan ngaihtuah thlen ve thin loh vang a ni ber awm e.

Kan hla phuahtute hian an hla chei mawi nan, hla phuahtute zalenna hi an hmang thiam thin teh asin. Chu chuan tu pawm mah a sawi ngai lo va. Heng hunah hian dân khauh tak lo vilika, thu leh hla hi mathematics leh logic hmanga lo teh chhuah tum ve phet leh, khuarel dân (law of nature) laka a dik loh dân lo paupui ve vak ai chuan; lo pawmsak mai hi a hahdam ber mai. Negative capability (ring lo chung pawha lo pawmna/awihna) hi literature zia rang pakhat a nih chung chuan, thu leh hla hi a thiang a zau tawh hle tih a Chiang si.



ADVERTISEMENT

KC TUI

Tui thianglim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327 (10-1)



**PINECREST
ACADEMY** (4-4)
(CBSE)

Under Podar Curriculum Consultancy

ADMISSION OPEN 2026

Confident Readers Begin Here at Pinecrest Academy!

"Strong Readers Begin at Age 4"

CAPTION :

- At Pinecrest Academy, we build strong foundations from day one.
- Structured Early Language Learning – Phonics & reading introduced from age 4
 - English & Hindi Foundations – Children gain confidence in both languages
 - Activity-Based Learning – No heavy textbooks, just fun, effective engagement
 - Safe & Consistent Environment – A sanctuary where children thrive
 - Individual Attention – Every child's growth is measurable and celebrated

Prospectus and Admission Forms Available at the School Office



Parents who value long-term learning and strong foundations trust us to guide their children.

Limited LKG Seats – Admit your child Today!
☎ : 9862498006 / 7005179903 / 96122 28475



**PUBLIC HIGHER
SECONDARY SCHOOL**
RAMHLUN VENGLAI, AIZAWL, MIZORAM

2026 (3-3)

**ENROLL
NOW**

**ADMISSION
OPEN**

FROM 10 AM - 1 PM

FOR CLASS XI & XII (ARTS)

SUBJECT OFFER:

- ENGLISH
- MIZO
- EDUCATION
- HISTORY
- POLITICAL SCIENCE
- ECONOMICS
- GEOGRAPHY

ONLY ADMISSION FEES
NO MONTHLY FEES

For more inquiry call

9436782551

9862598857



HOLY CHILD SCHOOL, RAMHLUN NORTH

OPEN ADMISSION FOR 2026-2027 (7-3)

- Kum 2026-2027 session atan Holy Child School chuan Nursery to Class - X lut turte tan Admission a hawng leh ta a, lo ngaihven ve rawh le...
- Hmangaihna leh hriatthiamna thuk tak nen a naupang te hmasawn nghal tura enkawlina hmun tur a ni e.
- Hre Chiang duh tan a hnuai a phone number tarlan ah hian a zawhfiah theih reng e.



+919436154080

holychildschool143@gmail.com